

重修廣平府志卷二十九

學校略上

府文廟在府治東南中爲大成殿七楹東西廡各三十

二楹前戟門泮池又前櫺星門左右二坊

舊志

金時建元

末廢明洪武四年知府吳文修重建後同知王庸修葺

永樂間知府楊浩成化間知府熊懷宏治間知府盧瑀

均修正德五年知府張潛十年知府華津各增修嘉靖

十年知府李騰霄恢拓之萬厯間知府蔣以忠陳簡劉

芳譽焦源清推官張鳳翔先後補葺崇禎間知府程世

昌復修

國朝順治間知府許文秀許榮昌康熙間知府王愷人乾

隆九年知府吳穀相繼修葺

通志 畿輔

三十二年知府單

烺道光十年知府額爾經額光緒三年知府長啟各重

修並添設樂舞二十年知府吳中彥倡捐復修

採訪冊 明董

越記略廣平府舊有學在郡治巽隅蓋完顏金所創元
末燬於兵火國朝洪武辛亥始詔重建正統丙寅一修
之自丙寅迄今又幾五十年矣其間修敝補廢恆見於
有司而因陋就簡率莫有能爲之改作者宏治庚戌四
明盧侯來典郡明年辛亥視民有餘力帑有餘積乃鳩
材庀工次第新之首改作明倫堂四齋又次二門若大
成殿兩廡之撓而欲折者頽而欲圯者蝕泐剝落而弗
稱瞻視者一復其故而堅緻華彩過之崇文閣舊在西
廡後則移於大成殿北下至師生解舍廩庫庖湍之所
咸備罔缺經始於是年之三月落成於壬子之八月學
之師生徵予爲記余惟春秋之法凡用民力皆書獨不
及於魯僖之修泮亦以其爲王政首務而不可以他興

作目之也然則謂侯爲今之良有司殆非過矣侯名瑀字希玉成化乙丑進士自刑科給事中進工科都給事中出判長沙府厯眞定同知至今官宜其能云李東陽記略廣平府學建於元至正二年入我國朝屢壞屢葺比益加圯正德庚午春張君潛來知府事鳩工聚徒庀材物備廩餼而後從事閱月而廟成爲大成殿七楹高五丈七尺廣九丈八尺規制甚偉門廡略稱又閱月而學成爲明倫堂爲齋爲解爲號舍皆因舊爲新而增置講堂射圃及庖湍之類無弗備者余聞而嘉之或謂畿甸之地方有事兵革此非急務抑不知古人雖在軍旅不忘俎豆矧其事既有緒而又處之各得其宜亦何靳而不爲哉通判宋灝上京師請紀成績灝通字學手自書刻樹於學宮以俟後之君子石珪記略廣平爲京畿南郡在大河之北太守華君濟之爲政三年時和刑清黎民大安乃毅然以興復教化爲己任於是鑿泮池於戟門之南深若干尺廣若干丈有奇爲橋者三以跨之繚以欄楯用石於是民始知先王學宮之制旣乃命師徒樹檜柏百餘株於門之兩旁疏數有度衡縮有列又取鄉之先哲及四方之宦於其地而有功德者建二祠於學震隅設木主表官氏志爵里春秋以時祭之

凡所舉措士庶胥悅復諦視宮中壤者甃之塗者聖之
傾者起之可辟者辟可塞者塞於是藏書之樓講藝之
所廩府黌舍神庖射圃莫不煥然增新蓋經始於正德
十年至次年落成財不箕斂民不病時大役告成而民
不知也通府宋君孟清乃以書來屬予記之張潮記
略嘉靖辛卯戶部郎李君子翀以才名擢守廣平下車
三日周覽廟學圯陋湫隘弗稱祭教遂躬率僚吏卜以
嘉靖壬辰孟夏經始事鳩工簡材分務擇任又日親往
省或一木一石一甃不攻以良必易之越七月孟冬訖
工士民樂成德侯不忘以圖來請記余合圖覈郡志所
載先後踵作今增拓且數倍君子曰可以祭可以教可
以學矣侯多善政茲特其大者不忘不朽奚在餘言在
若師士敦率教化以成其功德焉耳王世揚記略博
平張公甫弱冠筮仕爲廣平李官癸卯冬太守以計行
公攝事首謁大成殿見傾頽剝落之狀召匠計費鳩工
經始三閱月而厥工成櫺星門外兩坊增以夾石坊四
周繚以木柵明倫堂則文以五彩其他結構嚴密基址
磐固雖竹苞松茂不啻矣嗟乎今之攝符者視之若寄
一切政事第沿襲以俟主者卽口未嘗不言興學言育
才究之不爲名高則爲厚利矧望其剔巨蠹按巨猾甘

以其身為怨府哉公代庖郡事於所興革者不難殫力
爲之又以餘閒校藝兩學作新多士又創立社學聚郡
鄉之子弟於其中歲給米十石是又曠古而僅見者也
何如寵記略廣平畿內之望國也其守爲予辛未所
取士程君世昌其治視文翁之於蜀入其國而學宮爲
之一新於戲古之言學者推北方爲周公仲尼之道所
先被也顧才之達必以學才非學不達學亦非才不達
我國家之取精用物於學宮者且三百年其宏願深心
皆得藉程君爲發明是在遊是學者也是役也始歲丁
丑其直三千金請於臺得預支十年之需當在廟者才
十之一有奇其餘則取諸世焉凡程君之論功必歸於
衆而衆曰斷而行之惟侯獨耳嗟乎天下之事豈不盡
然哉國朝方觀承記略廣平府儒學規制宏敞於
畿南稱最比年風雨摧剝垣壞而棟撓所不免矣今郡
守高密單君莅任之始祇謁黌宮卽慨然於鼎新之舉
自乾隆丙戌庀材鳩工至明年丁亥而工竣凡殿庭樓
閣內廡外祠重門列舍繚以百堵煥然以新爰核其寬
廣丈尺之數繕劄繪圖請爲之記余喜單君大有造於
廣平也於是乎書額爾經額記略廣郡文廟自乾隆
丁亥重修歷今六十餘年茅茨盈階棟摧瓦解整葺之

舉誠不可緩特以規制宏大需費孔多時進承年馬令
府學訓導熟籌之適承年舉貢生監等以情願捐助請
於余遂偕馬令捐廉爲之倡從而和者郡屬丞倅州縣
教佐紳士亦俱欣然樂輸用乃給於是鳩工庀材專委
府學周訓導綜理工程并選紳士中諳謹老成者分董
厥事歲庚寅正月諏吉興工僅十閱月而頽者起舊者
新丹碧交施炳然煥然崇道尊師謂非蔚起人文於斯
爲盛也歟是舉也工費萬金落成匪易典守者固宜捐
廉率先而眾紳士之董工者不辭勞瘁捐資者踴躍輸
將猶屬慕義向風共襄盛舉余深嘉許焉長啟記略
咸豐丙辰余來權斯郡仰觀殿廡恢闔宮牆巍峻舊制
之美備已無復加惟是風雨漂搖雀鼠穿啄費朱壁堊
强半彫殘垣棟亦漸就頽朽詢悉自道光庚寅歲前守
額公重葺又近三十年倘不從而新之何以肅觀瞻而
崇秩祀且無以繼額公之美政亦後來者之羞也乃甫
議經營會受代解任缺然於余心者有年逮同治己巳
復典斯郡時早魃爲災籌款非易遲之又久至癸酉冬
始率府學教授王玉相訓導高海風暨十州縣牧令倡
捐興修而各州縣或因公事旁午不遑兼顧或勸捐有
數而鳩集需時自甲戌八月至光緒丙子八月凡數作

而數輟甚哉財力之難也丁丑春復飭高訓導偕十屬官紳等酌捐衿戶勑爲集腋之舉自三月迄十月缺者補之汙者華之蓋靡不堅固崇麗煥然改觀矣是役也共用制錢五千七百五十餘緡始終成厥事者則訓導高海風歲貢高甲職員焦清吉之力居多余因竣工之難且嘉三君子之有功學校爰書石以記顛末吳中彥記略府學自光緒初年重修後未及十稔而西面圍垣百六十餘丈坍塌者十之七八兩廡及明倫堂棟宇間有損壞臺砌率多糟碎殿庭金碧亦黝然無色矣使聽其彫殘匪惟無以肅明禋而重道尊師其謂之何甲午冬郡志告成提用餘款五百金復捐廉金五十兩並令府學暨各屬儒官籌捐以補其不足而郡中紳富之好義者亦各量力捐輸得千金有奇詎吉興修五閱月工畢向之殘缺頽敗者咸與維新焉因述其顛末以誌來者

崇聖祠在大成殿左

舊志

伯宣祠在戟門左明正德十年知府華津建

通志 續輔

國朝雍正九年知府李梅賓重建

舊志

鄉賢祠在戟門右明正德間知府華津建

通志 畿輔

國朝雍正九年知府李梅賓重建

舊志

明倫堂在大成殿右堂前左右四齋

今止二齋

齋前儀門又

前大門

舊志

明正德五年知府張潛建

通志 畿輔

敬一亭在大成殿後中刻明世宗敬一箴雍正十三年

知府周夢錦重修

同上

尊經閣在敬一亭後卽書樓舊址建乾隆三年署府事

饒佺重修閣前有號舍三十八楹今廢

同上

射圃亭在崇聖祠後明正德間知府張潛建今廢

舊志

觀德亭在崇聖祠後今廢

同上

教授宅在明倫堂後舊與訓導宅並在尊經閣後久廢

康熙間教授韓雄允邊士遲改建

同上

同治十二年教授

王玉相重修

學冊

訓導宅在明倫堂左同治十二年訓導高海風重修

學冊

學額科歲試各取文童二十三名歲試取武童二十名

廩膳生四十名增廣生四十名一年一貢

學冊

清暉書院在城外東北隅即舊荷花館明萬厯間知府

蔣以忠建知府劉芳譽拓增之有苑在亭香遠堂漪樓

崇禎間知府歐陽圭生改漪樓爲蘭若

國朝康熙八年圯於水十一年知府劉光榮何玉如知縣

朱世緯重建五十五年知府王嗣衍修葺因創學於堂

之西偏額曰蓮花書院雍正九年知府李梅賓重修乾

隆六年知府任宏業復修改今名八年知府吳穀建東

西齋舍

畿輔通志

嘉慶三年知府徐煥重修併籌捐經費

十屬向有供太守公費銀歲八百兩捐入書院仍責按季解府作為延師課士等費山長束脩銀三百二十兩月三課課取生員超等五名特等十名童生上取五名中取十名膏火二十一兩每月由監院教官具領交值年學長易錢分給咸豐八年知府史策先將護城河歸入書院

九年知府王啟會挑濬濠池大興魚藕之利以每年所收租價為書院歲修義學各費

每年河利初租三四百千至八百千不等自光

緒二十年起每年租京錢一千二百串作爲書院歲修等費義學六處歲給束脩京錢五百二十千光緒十一年添設鄉會試前三箇月山長加課生員額取十名月共獎京錢十五千舉人額取三名月共獎京錢七千河役工食取給於此書院舊有地一頃十五畝零同治七年九年間經郡紳武汝清由生息餘款添購葦地五十畝零歲收租京錢三百餘千作爲書院經費章程十條一每年二月十月放水如天旱水涸不拘月令由府工房行文磁州邯鄲縣提閘一書院河務每年公議二人值年每季公議二人查管職名開送府縣登記如辦理不公另行保舉不許歸一人經管一城濠長闊冊四本存府工房禮房縣工房書院各一分地畝冊二本存府禮房書院各一分以備稽查一河內魚藕河岸樹株及城根道路橋梁每年雇館役四名輪流看守不許連年接管如有偷取盜伐損壞者送官究治館役有作弊情事隨時更換一河岸樹株四門外橋梁責成四關地方看管如有偷伐損壞者地方稟官究治如地方看守不嚴紳董將地方送官重究一水利歸書院六分添修房屋器具資助薪水歸隄工河工四分作爲歲修一四城門外各立石碣一塊城根護岸永遠不隄行車河

岸永遠不舊開墾嚴禁盜伐樹木偷取魚藕一嚴禁木
牌入河取魚違者送官究治仍將木牌入官一嚴禁火
鎗打取水禽違者送官究治仍將火鎗入官一
每年由府出示嚴禁實貼書院四城門各一分
同治三

年大順廣道祝公塏捐助經費銀一千六百兩添設舉

人課增加生童膏獎鄉會津貼舉人超等二名每名銀一兩八錢特等三名每

名銀一兩二錢原額生貢超等每名銀九錢增銀六錢

加又超等十名每名銀一兩又特等五名每名銀五錢

加童生又中取五名每名銀四錢鄉試津貼決科考列

前七十五名每名銀一兩會試津貼銀二十五兩與課

者均分歷年盈餘現共銀二千五

百兩發商生息由值年紳士經理

五年知府楊毓珣郡

人武汝清籌款一律重修六年復建院西朱衣樓光緒

十七年知府吳中彥籌捐經費添設舉貢生童詩賦課

籌捐京錢一千一百千由生息餘利提京錢九百千發

商生息月取舉貢生監十名童生五名共獎京錢二十

一十八年籌捐鄉試津貼

知府捐銀五百兩永年知縣

士捐銀三百兩發商生息歸值年紳士經理三年得息

銀三百六十兩為府學永年縣縣學生貢等賓興費遇

有恩利二十年增添生員膏火

提用一半額五名加增五名書院冊王嗣衍記略廣平府郡城

渚澤環護明蔣守曾於城東北隅建立荷花館以為憩

息之所辛卯初余以銓曹出典茲郡越明年政有餘閒

尋荷花館舊迹而館已蕩然無存所存者惟省耕堂一

樓一亭亦皆傾圯殆盡因率僚屬各捐俸金舉昔之省

耕堂補葺而聿新之若亭若樓亦次第修舉顏其

亭曰吸芳顏其堂如舊每公餘暇輒進我農人而獎導

之又念教與養相需武安為人文淵藪高明者或縱情

奔放沈潛者或致泥拘牽因其性之所近陶汰涵濡以

矯其偏余敢謝未遑哉爰於省耕堂之西新建書院一

所堂廡書舍煥然具備閱月告成自是課耕有地講學

有所余得優游以觀豐亨之慶而觀風俗之成焉後之

賢者倘能同吾志而擴充之以長留此教養斯民之意

於勿替余日望之徐垺記略廣平府清暉書院舊名

學統略上

荷華館自明神宗始建 國朝康熙五十五年爲荷花書院乾隆六年改名清暉取謝靈運山水含清暉句也其地在郡郭外良隅三面臨水東西隄夾繞之可栽桃柳數百本春秋佳日覽眺其間有似我鄉西湖之勝乾隆五十九年洛河漲溢基構傾頽余以嘉慶二年六月莅郡每出郭循覽輒圖興復而力未暇至三年秋鳩工屬起修四年夏竣事雖於舊制未有增益而門堂樓閣井園庖廚以次釐舉講經有齋肄業有舍規制聿新蓋郡濠至是匯爲浸澤最稱秀區遂令遍栽荷花而蓮亭最足儆遊目曠如奧如咸在指顧登亭而望雉堞列西南隅若屏障然西則聰紫諸山隱隱見螺髻由南迤東皆平遠蒼茫林木虧蔽葭菼蕭疏因念諸生以時絃誦其中兼有山水仁智之樂而余以政事暇竭來遊憩覺清氣拂拂眉宇間信足娛耳抑余聞之十年樹木百年樹人是館之爲書院也歷經前郡守創修迄今二百載使後之守斯土者繼余志而隨時補葺則樹人之澤永永無窮豈可以年數計哉爰敘顛末志歲月以誌來者武汝清記略嘉慶初年錢塘徐旣餘先生以名侍御出典是郡慨然欲興文教濬城濠栽蓮藕爲書院延請名師後數年北平王荔園先生主講席一時英俊皆從

之遊文風蒸蒸漸有起色歲乙亥太守萊州張拙山先生下車之始他務未遑卽延請錢塘鄭念橋先生主講閭郡諸生數百人前來請業郡城各巷有絃誦聲自是登賢書捷南宮者相繼步武仕宦雖未顯赫而甲第纍纍矣無如膏火無多而諸生殊少資藉前任太守棗陽史吟舟先生怒焉憂之將城濠水利歸入書院資助諸生薪水爲多士永賴之利奈河池淤墊幾成廢地蓬萊王秋浦先生甫行莅任卽爲郡城除大患謂正人心在維風俗維風俗在作士氣然培植未深士氣何由作也目覩書院頽唐流覽河池淤淺立議深濬河池以興水利爲多士裨益於是遍商郡人皆以無項難之先生謂爾第興工我自籌項乃擇期覓夫挑挖民間不勞一役不費一錢未及四月而濠池十里功竟告成而來攻之黔黎趨事恐後反謂微太守興工吾儕安得數月飽食其以工代賑功尤鉅云今濠旣浚深漸獲魚藕之利所有書院舊地一百二十餘畝被人侵蝕者仍斷入書院以資助薪水植之旣厚則發之必光矣現又疏鑿開口水可暢流兩岸遍植柳株內足以資捍衛外足以壯觀瞻此固郡人所夢想未及者也先生攝篆甫數月卽爲地方興數百年之利非學識素定其孰能之

吳中彥

課士詩課士清暉院曙光又不同煙籠楊柳綠日映藕
花紅弟子多原憲先生有馬融相期勤學業無玷聖門
中

秀洛書院在臨洛鎮

畿輔通志

舊本義學乾隆初通判畢

宗高建後通判王裕銓清格相繼改爲書院額今名四

十九年清格來守郡增修堂齋置田以作經費

吳莊有田五十

四畝八分每年租京錢七十二千本爲歲修膏獎自同治七年歸府署經理

道光四年通判

錢日烜重修捐郡城東關外葦地歸書院知府李德立

倡率十屬助捐銀兩同治七年知府李朝儀因經費不

足勸諭十屬加捐

府署捐銀二十四兩永曲磁邯原捐十六兩各加十四兩肥鄉原十二兩

加八兩成威原十二兩各加四兩雞廣清原十兩各加二兩統歸府署催解由書院具領尹瓜睢屯四村每年

津貼京錢一百千向
交書院值年經管
重定章程申請立案
山長束脩銀一百兩薪水

四十兩月取生員超等五名特等五名童生上取五名
中取五名膏獎十一千三百文鄉試加課三月取超等
三名特等三名膏獎無定額月兩課課給飯食京錢五
十文學書禮房差役工食各需由府署給發
書院冊
景文記略沼城舊有義學爲前任別駕畢公勸紳士
等公立嗣是王清二公後先繼美爰集眾議改爲書院
顏曰秀沼較前制度宏敞肄業之士加盛焉惟是宅基
甫定未克周備而任此者屢遷不無圯廢迨甲辰歲清
公復來典守是郡路出臨沼士民伏謁請踵成前績公
鑒諸士之誠嘉庶民之義遂商之孔公竹圃令董其事
鳩工庀材不日落成凡講學之堂肄業之室無不大備
煥然改觀矣予於乙巳夏始莅茲土乃時奉公委南北
馳驅在署者歲無幾旬於諸公之善政毫無補助每用
爲愧茲紳士因工久畢復置有學田欲勒諸貞石以垂
永遠請記於予予何能述諸君之美以勵多士爰述厥
事以塞其請而捐輸姓氏則列於碑陰以誌一時之盛
云
錢日烜記略臨沼分府治西舊有書院基址顏曰
秀沼創於前任王公裕銓成於前任王公格其時創